

'Zohnak in rianttuan cawning'

Rian in hmuhton mi hi zeidah a si?

Rian in hmuhton mi cu sianginn cacawnnak chungah aa tel ve mi a si i siangngakchia pawl a voikhatnak rian an ttuan a si tawn. Hihi seh in riantuannak le an chiah hna nak rian kha an zoh khawhnak lai caantawite riangeitu sin i siangngakchia vun chiah ta khi a si. Siangngakchia pawl cu a zoh ruah le a cawn ruah menmen ah riangeitu sin ah cun chiah an si- tamdeuh in chimh a herhmi le rianthiam mi hna ruahnak lak dingah a si lo. Riangeitu rianhmun ah tuah a si i a tanglei thil hna tuahnak in hlawnak nganpi an hmuh.

- A phu in upa sin ttuan i rian kong hngalhnak i chap
- Thiamnak thar tampi i chap le tuah lengmang
- An mahte in an i zohkhenh kho i an i lung deuh
- Sianginn i an cawn mi rian he an pehtlaihter
- An cawnmi pehzulh le tamdeuh cawn nak caah an lung a thawhter deuh
- Rian thiamnak an tuah

Rian i an um lio ah sayate nih siangngakchia kha an pehtlaih hna lai cun nu le pa hna zong thil biapi nan ruahmi a um ahcun sayate chimhchawnh khawh a si. A donghnak cahmai ah chawnhnak tlamtling a um.

Rian in hmuhton mi hi zeitik ahdah lim ding a si?



Rian in hmuhton mi hi tang 9 le tang 10 ah tuah dih a si lengmang. A caan cu sianginn ah a hngat. Sianginn tampi cu caan khiahmi an ngei, a dang pawl cu siangngakchia mitlawm phu kha a kum chungah an chuahter hna i sianginn cheuhkhat nih sianginn khar caan ah an tuah. Asinain, rian in hmuhton mi cu kumdih sianginn khar caan ah tuah khawh a si lo.

Siangngakchia pawl nih cacawn caan tthenkhat ah a tambik ni 10 asilole kumkhat ah ni 40 rian in hmuhton mi an tuah kho.

Nu le pa nih zeitin dah bawmh khawh a si?

Na fapa/ fanu rian in hmuhton mi tuah awkah rian a ttuan avoikhatnak cu a nuam tukmi caan a si. A tuah na bawmh khawh ding mi thil an um:

- Rian peknak ah na fa nih rian ngeitu lung tthatnak a hngalh khawhnak lai bawm.
- Na fa a tuah dingmi rian phun in ruahchannak taktak a ngeihnak lai thazaang pe. Na fa cu kut in tuahmi rian a thiam rih lai lo asinain tthate in an chimh hna hnu le tthithruainak tang i an um lengmang tikah a fawi deuh rian tete a tuah khawh ve te lai. Sianginn kai caan nak in a caan a sau deuh lai.
- Rian in hmuhton mi form kha a dik tein phih law sianginn ah pe tthan hna. Rian ngeitu le siangngakchia nih copy an i chiah lai i ttial hmasabik mi ca cu sianginn nih an i chiah lai.
- Na fa rian in hmuhton mi tuannak ah a chiatchuah dingmi ngandam nak kong thil kha sianginn chim hna.
- Rian he aapehtlaimi ngandamnak le himnak (OHS) kong le an mah ttuanvo kong na fa ceih pi. An cawn dingmi an dih tik le rian in hmuhton mi tuah an i thawk hlan ah himte in rianttuan nak lehmat sianginn nih siangngakchia an pek mi kha zohter.
- Na fa rian le inn lakkar himte in tlunkalnak tuah piak.
- Na fa rian in hmuhton mi rian peknak kong i ceih u law a har tiah na ruahmi le hmuhmi ah bawm.
- Na fa rian in a bau ah siseh an pek mi rian i harnak a ngeih ah siseh sianginn theihter zokzok hna.
- Rian le zungzal ttuanding rian kong ceihpi. Duhthimnak a si khawh chung tam in an tuah dingah thazaang pe.
- Na fa sianginn i rian lei coordinator kha hal.



Ngakchia
paokpaoh,
cotin khawh
ding paokpaoh



Siangngakchia nih a si lai ti i an i ruahchan mi thil zeidah an si?

Rian in hmuhton mi tuah lio caan ah i zuam mi cu lung a la mi le man sung mi rian peknak tuah piak hi a si. A mansung mi cawnnak a si khawhnak lai timhlanhnak phun tampi tuah piak a herh. Siangngakchia forhfiat mi:

- A si khawhnak pauh ah mahte in hmunhma i kawl. Siangngakchia cu sianginn nih an bawmh khawh thiamthiam ko hna.
- Rian in hmuhton mi form phih law sianginn ah pe zokzok.
- Rian in hmuhton mi tuah hlan ah himte in rain ttuanning rian he aa pehtlai mi ngandamnak le himnak cawng hmasa. Siangngakchia pawl lehmah an hmu lai.
- Rianhmun ah rian ttuan mi pakhat bantuk in um, rianhmun ah zulhding phung le rian a chimtu hna chim mi ngaih dih.
- Rian in hmuhton mi an tuah tikah siangngakchia cu sianginn ai an awh ti kha philh hlah, cu caah sianginn zuldung phung le hruainak phung hman peng a si ve.
- Sianginn nih tuahmi rian kha rianpek lio caan ah tuah dih.
- Rian peknak ah hawidang theihterawk a ttha lomi nangmah lawng nih theihawk a si mi zong a um lai ti theithiam.
- Zung thilri, fawn, internet hman le photocopy tuah cu rian ca lawng ah a si lai ti thiehthiam.
- Aa tlakmi kedan/ huhphenhnak thil/ uniform pawl rian ngeitu fialning in i huk.
- Riantuannak a dih tikah rianngeitu sin in lungthin cheuhnak hal law lawmhnak bia chim.

Nihlawh peknak

A tlawmbik siangngakchia pekmi phaisa cu nikhat ah \$5 a si.

Siangngakchia rian hmunhma peknak hi Commonwealth Department asilole Commonwealth upadi tang i tuahmi, cacawnnak he aa pehtlaimi, miharsa bawmhnak asilole a miak ca a silo mi mibu rianttuan nak hna an si ahcun ttuanman pek a si lo.

Mitlamtinglo siangngakchia pawl

Mitlamtinglo siangngakchia pawl an mah cacawn nak lei timhtuahnak caan chung in thil pakhat thiamnak ding caah caan tamdeuh tiah ruah a si ahcun rian in hmuhton mi tuahnak caan a tam deuh an lak khawh.

Rian ngeitu ttuanvo zeidah an si?

Rianttuan mi bantuk in siangngakchia pawl zong hi ramtthen le rampumpi upadi himte le rianhmun ah thleidannak um lo ding timi uknak vialte nih a huap chih ve. Rianttuan nak hna nih rian he aa pehtlaimi ngandamnak le himnak zulhphung a zulh hna lai i luhka rian chimhnak le a tlamting mi zohkhenhnak a tuahpiak hna lai. Rian chimhnak cu pekmi rian hmun ah na fa nih zoh aa timhmi asilole tuah aa timhmi rian he a pehtlai mi a si. Na fa aa khawnden soal a si ahcun rian ngeitu nih nangmah asilole zohkhenhtu le sianginn kha a ran khawhchung in thawng a thanh hna ding a si.

Rian in hmuhton mi

'Rian kong cawnnak'

Tamdeuh hngalh na duh ahcun sianginn ah hal hna.